



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 49. Deus S. Basilium tuetur.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

mosthenes ignorans! Demosthenes, ludibrio excitatus, minas injecit, responditque S. Basilius: *Cura, ut Imperatori, ad mensam accumbenti, nihil desit, theologica Theologis relinque.* Imperator S. Basilii sermonibus exquisitis captus, & delinitus, humanius Catholicos habere cepit; prædia, quæ in illis regionibus possidebat valde pingua, ad usum pauperum leproforum donavit.

Sæculum IV.
A. C. 374.

§. XLIX.

Deus S. Basilium tuetur.

At Ariani continuo Imperatoris Valentis latius obsidentes, mitigatum animum brevi iterum in transversum egerunt; ipsis auctoribus ultimum admovit arietem, ut S. Basilium ad communicandum cum Arianis cogeret, invicte resistentem exilio damnavit. Jamque omnia luctuosæ perfectioni parata erant, juncta erant curru jumenta, S. Basilius turba amicorum circumdatus, æquo animo se itineri accingebat. Nox erat, & Imperatrix Dominica, hujus persecutionis causa, horrendis terrebatur somniis, & acutissimis doloribus torquebatur; simul filiolum, quem ex suo cum Imperatore conjugio susceperat, Galatem nomine, adhuc infantem eadem nocte violenta febris corripuit, & in extremum adduxit vitæ periculum; tunc illa ad

Soz. VI.
c. 16. Socr.
IV. c. 26.
Greg. Naz.
p. 352.

B b 2

Impe-

Sæculum IV. Imperatorem dicebat, hos sinistros casus
 A. C. 374. haud dubie a vindicantis Dei manu pro-
 venire. Interim infans cum morte lu-
 ctari videbatur; cumque nihil opis in
 medicis esset, ad preces omnes convertun-
 tur, ipse Imperator, humi prostratus, vi-
 tam parvuli a Deo deprecabatur; suc-
 rum charissimos ad S. Basilium mittit, o-
 ratum, ut alacriter veniret ad Regiam;
 ipso Palatium intrante, melius habere cepit
 puer, spes omnibus rediit, S. Basilium
 in se recipiebat, sanitatem ejus suis pre-
 cibus a Deo impetrare, si modo potestas
 sibi fieret, puerum in Doctrina Catholi-
 ca instituendi. Accepit conditionem Im-
 perator, in preces se dedit Basilium, & sa-
 natus est puer. Haud multo post vero
 iterum Valens Arianorum importunita-
 ti cessit, & juramenti memor, quo se, Ba-
 ptismum recipiens, in manibus Eudoxii
 obstrinxerat, consensit, ut ab eis filius ba-
 ptizaretur, qui relapsus in morbum haud
 diu postea animam egit.

Necdum tristis casus animum Valen-
 tis fregit; sed Ariani S. Basilii præsentiam
 impotenter ferentes persuaserunt Impe-
 ratori, ut eum in exilium mitteret. Ex-
 aratum erat Decretum, cui ut subscribere
 ret Valens, manuprehendit parvam
 rursinam, qualibus veteres, sicut nos
 hodie calamis, utebantur, & quarum ad-
 huc in Oriente usus est; sed con-
 fracta

*S. Eph. in
 Bas. p. 65.
 edit. Cotelier.*

fracta est arundo, quasi operam scripturo Sæculum IV.
negaret; assumpta altera similiter in par- A. C. 374.
tes diffiliit; ipse proposito pertinaciter
suo intentus corripit & tertiam, sed & ter-
tia pariter soluta est; tum dextram con-
tremiscere sentiens, & subito horrore
turbatus chartam laceravit, & retractato,
quod dederat, imperio, S. Basilio in sua
Ecclesia pacem concessit. Præfectus quo-
que Modestus aliam mentem induit; cum *Greg. Naz.*
brevis post hæc tempore in morbum inci- *p. 353.*
disset, S. Basilium rogavit, ut ad se invise-
ret, seque in ejus ad Deum preces magna
humilitate commendavit; recepit vale-
tudinem, idque se S. Basilii orationibus
debere publice profitebatur, nec unquam
postea prodigia ab eo patrata enarrare
cessavit; amicitia etiam vinculum ex- *Ep. 274.*
inde utrumque colligavit, & S. Basilius suo *275. &c.*
suffragio apud Modestum plurimum va-
luit, id enim ex pluribus S. viri Epistolis
apparet ad Præfectum datis, quas reve-
rentia æque, ac fiducia dictasse videntur.

Præfectus alius, nomine Eusebius, Im- *Greg. Naz.*
peratricis Dominicæ patruus, & juxta *ibid. & Ni-*
eam Arianus, S. Basilium persecutus est; *cet. n. 79.*
persecutionis occasio fuit vidua illustri
genere, quam aliquis ex Præfecti Assesso-
ribus invitam ad nuptias parabat com-
pellere; ipsa in Ecclesiam ad sacram mensam
confugit; extradi Præfectus jussit, quod
vero se facturum Basilius strenue negavit.

Sæculum IV.
A. C. 374.

In furorem actus Præfectus quosdam suorum immisit, qui mulierem in ipso ejus cubiculo, non absque gravi S. Episcopi contumelia, perquirerent, quamvis non solum nunquam illuc fœminas reciperet, sed eæ vix in Virum sanctum oculos attollere auderent. His minime contentus Præfectus adduci sibi S. Basilium jussit, ut tanquam reus causam diceret; sedens ergo pro tribunali, & S. Basilio stante, imperat, ut attritum palliolum, quo humeros operuerat, ab eo diriperetur; S. Basilium ait: *Si jubes, etiam tunicam exuam.* Jussit Præfectus, ut verberaretur, & unguis ferreis discerperetur. S. Basilium dicebat: *Si mihi jecur evulseris, grandi malo liberaveris, vides enim, quod hepaticus sum.* Interim tota civitas, comperto Episcopi sui periculo, excita infremuit; nulli e civibus furiosius quam in textrinis, & armamentariis Cæsareis opifices exsilire, cuique instrumenta, quibus ad opus suum utebatur, pro armis erant, aut quidquid promptius manu apprehendere potuisset; fœminæ, quibuscunque, si quæ antea ad laborem muliebrem apta, & nocere poterant, præ manibus essent, correptis, precurrunt ad Pastoris sui auxilium; actum erat de Præfecti vita; sed supplex furentibus occurrit, ne sic quidem vitæ securus, nisi S. Basilium sua auctoritate periculo liberasset.

§. L.